



111
Georg 1066



X Georgs-B.

460






Den Außersweltten
lieben Freunden

gottis / allen Christen zu Ri
ghe / Keuell vnd Tardtthe
ynn Lieffland / mey
nen lieben herren
vnd brudern ynn
Christo.

Mar. Luther
Eccle. Wyttem.

M. D. XXiiij

wa Dass. wie 720(41)



2

Gnad vnd frid ynn
Christo.

Ich habe erfahren schriftlich vnd mündlich /
lieben herrn vnd bruder / wie das Got der vatter
vnfers herrn vnd heylands Ihesu Christi / auch
bey euch seyne wunder angefangen / vnd ewr her-
zen mit seynem gnadenreichen liecht der war-
heyt heym sucht / dazu euch so hoch gesegnet hat /
das yhs von hertzen frolich auff nemet / als eyn
warhafftigs gottis wort / wie es denn auch war-
lich ist / wilchs doch bey vns das mehrer teyl wid-
der hören noch leyden will / sondern yhe reicher
vnd grosser gnade vns gott hie anbeut / yhe vn-
syn niger die Fürstē / Bischoff / vnd alle breyte schüßē
des Behemoth sich da widder streuben / lestern /
verdammnen vnd verfolgen / so lange biß sie viel ge-
fangen vnd igt neulich zween verbrandt / do mit
Christo newe merterer zu vnsern zeitten gen hymel
gesand / haben / das ich euch mit freuden mag selig
sprechen / die yhs am end der welt / gleich wie die
heyden Act. 14. das heylsamen wort mit aller lust
empfabet / wilchs vnser Juden ynn dieser Jerusa-
lem / ia Babilonien nicht alleyne verachten / son-
dern auch niemant gonnen zu hören / Der zorn got-
tis ist vber sie komen spricht S. Paulus bis zum
ende / Aber vber euch regirt die gnade .

Derhalben / meyne liebste / seyt danckbar gotte
cher gnaden / vnd erkennet die zeit ewer heym-
suchung / das yhs die gnade gottis nicht vergeblich

A ij

empfahe. Vnd auffß erst / sehet drauff / das nicht
Galater aus euch werden / die so herlich anhuben
vnd so feyne / reyne / lautter Christen worden / aber
bald von den verfürern auff die yrrige straß der
werck abgewendet vnd vmb gekert worden. Es
werden ungezweyffelt auch vnter euch wolffe ko-
men / zumor / wo die gутten hirtten / so euch izt got
zwgesand hat / weg komen / vnd werden den re-
chten weg lestern / vnd euch widderumb ynn Egi-
pten führen / das yhr mit falschem gottis dienst /
dem tewffel an gottis stat dienet / danon euch izt
Christus durch seyn hymlich liecht erlöset hat /
vnd teglich erlöset / das yhr zu seynem erkentnis
komet vnd sicher seyt / das er alleyn ist vnser herr /
priester / lerer / bischoff / vatter / heyland / helffer /
trost vnd beystand ewiglich ynn allen sunden / tod
not / vnd was vns feylet / es sey zeitlich odder
ewiglich.

Den also habe yhr gehört vnd gelernt / das / wer
da glaubt / das Ihesus Christus durch seyn blut /
on vnser verdienst / nach Gottis vatters willen
vnd barmhertzigkeyt / vnser heyland vnd bischoff
vnser seelen worden ist / das der selb glaube on alle
werck gewislich / vns Christum also eyget vnd
gibt / wie er glaubt / denn Christus blut ist freylich
nicht darumb meyn odder deyn / das wir fasten od-
der lesen / sondern das wirs also glauben wie Pau-
lus spricht Ro. 4. Wir achtē das der mensch durch
den glauben rechtfertig werde / on des gesegs
werck. Diser glaub macht vns eyn frolich frid

lich hertz zu gott vnd muß yhn lieb gewymmen/ weyl
 es sihet/ das es gottis wille sey vnd gnedige ney-
 gung seyner gütze zu vns/ das Christus mit vns so
 handelt/ Das heysst den durch Christum zum vater
 ter komen vnd zum vatter gezogen werden/ vnd
 frid mit gott haben/ sicher vnd frolich des todes
 vnd alles vnfalls gewartten. Wo in diser glawb
 nicht ist/ do ist blindheyt/ keyn Christen/ noch yre-
 gent eyn süncklin gottlichs wercks odder gefallen.

Aus disem yhr weytter gelernt habt/ das alle le-
 re/ so vns bisher sind furgetragen/ durch werck
 frum vnd selig zu werden/ sund ablegen vnd bus-
 sen/ als da sind/ die gesagen fasten/ beten/ wallen
 messen/ vigilien/ stiffen/ moncherey/ nonnerey/
 pfafferey/ das solchs alles teuffels lere/ lesterung
 gottis sind/ darumb/ das sie vermessen das an
 vns zu thun/ das allein das blut Christi durch den
 glauben thun sol/ geben do mit den menschen lere
 vnd werckē/ das doch alleyn gottis wort vnd wer-
 cken eyget. Aber dis liecht des glawbens sihet
 tlerlich/ das solchs extel dicke grewliche finster-
 nis sind/ vnd bleybt an gottis gnaden ynn Christo
 vnd lest seyne verdienste fur gott faren/ das ist der
 weg zum hymel vnd das heubtstück Christlichs le-
 bens.

Darnach habe yhr gehört/ das ein solch mensch
 hynfirt niches schuldig ist/ denn seynen nehisten
 lieben/ wie Paulus sagt Ro. 13. vnd Christus Joh.
 16. Das ist mein gepott/ das yhr euch vnternander
 liebt/ denn wo Christus iunger sind/ die durffen

A. iij

für sich / vnd für yhre sund / vnd zu yhrer seligkeits
nichts thun / sondern das hat Christus blut schon
gethan vnd alles außgericht / vnd sie geliebt / das
sie sich selb nicht mehr durffen lieben odder suchen
odder was gutts wundschen / sondern was sie des
selben für sich thun vnd suchen wollten / sollen sie
auff yhren nehisten wenden / vnd solche gutte
werck / der sie nicht durffen / eym andern thun /
gleich wie Christus vns than hat / der auch seyn
blut nicht für sich selb / sondern für vns geben vnd
vergossen hat. Vnd das ist auch das zeychen da
bey man rechte Christen erkennet / wie Christus
spricht / daran wirt man erkennen / das yhr meyne
iunger seyt / wo yhr euch vnternander liebet. Do ist
das ander heubtstück Christlichs lebens.

Also leret vnd thut / meyn liebste / vnd last euch
keynen andern wind der lere bewegen / er webe
von Rom odder von Jerusalem. Es ligt die summa
an glawben ynn Christo / vnd an der lieb zum
nehisten. Abblas / heyligen dienst / vnd was für
werck auff vns vnd vnser seelen nutz gezogen wer
den / das meydet wie todliche gifft. Aber wo yhr
an dieser reynen lere hangen vnd bleyben werdet /
wirt das Creutz vnd verfolgung nicht auffen bley
ben / denn der bose geyst kan nicht leyden / das sey
ne heyligkeyt also zu schanden vnd zu nicht soll
werden / die er mit wercken / durch die geystlichen
ynn aller welt hat auffgericht. Aber seyt yhr besten
dig vnd gedencft / das yhrs nicht besser habē solt /
des ewr herr vnd bischoff Christus / der auch vns

solcher lere willen / da er die werck heyligk eyt der phariseer straffe gemartert ist. Es wirt euch solch Creuz nutz vnd nott seyn / das euch bringe ynn eyn feste sichere hoffnung / da mit yhr diß leben hassen vnd des kunfftigen trostlich wartet / das yhr denn also ynn den dreyen stucken / glawb / liebe vnd hoffnung bereyt vnd volkomen seyt.

Was aber von Sacramenten vnd von eusserlichen sachen / mit essen vnd trincken / kleydern vnd geperden zu sagen ist / werden euch ewr prediger gnugsam sagen / denn wo diße drey stuck recht gehen / da gehet auch woll recht die Christliche freyheyt ynn allen solchen eusserlichen sachen. Unser herr aber Ihesus Christus wolte euch vollen bereyten / stercken vnd befestigen / zu seynem ewigen reych / mit aller fulle seyner weyßheyt vnd erkentnis / dem sey lob vnd danck ynn ewigk eyt Amen.

Dise ermanung lasse euch lieben bruder gefallen / denn wie woll yhr sie schon wisset odder nicht vñ mir bedurfft / so ist doch meyn fleyß vnd pflicht euch hiryinnen schuldig / auch ynn vnnotigen fur euch zu sorgen vnd zu dienen. Last euch ewr prediger befolhen seyn / vnd bittet auch fur vns. Gotis gnade sey mit euch / Amen.

teyß
hon
das
hen
des
n sie
utte
un /
seyn
vnd
da
stus
eyne
o ist
euch
oebe
im
zum
s fur
wer
yhr
det /
bley
s sey
soll
ehen
esten
de /
ymß



Faint, illegible text, likely bleed-through from the reverse side of the page.









Handwritten text in cursive script, likely a library or ownership mark.

1066
Georg...







Auszlegung der
Epistel Petri





wa Dass wie 720(40)

